

SPIESII, Franci, allectus, de nostro ad eandem transferendo, quod et factum est anno cło lcc li. Hic per biennium in vtraque litteratura non tantum, sed et logicis atque rhetoricis exercitiis, pangendisq̄ue carminibus, tantos progressus fecit, vt, cum SPIESIUS ad illustre Gymnasium Dur-lacense, praeceptoratum supremae classis et profes-sionem eloquentiae aditurus, euocaretur, doctorem hunc suum vna cum reliquis commilitonibus fere omnibus sequi posset, vbi, depositionis ritu Argen-tinae prius peracto, ad lectiones publicas audiendas translatus, CONR. WEININGERO, Gymna-sii tum Reçtori, Theologiae et Philosophiae Mora-lis, D. I O. FRID. HEILBRUNNERO, ebraeae linguae et Theologiae polemicae, D. SIG. CLOSIO, Physices atque Metaphysices, DAV. FLECKHAMMERO, Mathematicum, et SPIESIO denique suo, Oratoriae et Poëseos, Professoribus clarissimis indiuisus adhaesit. Sed mox incredi-bili desiderio Academiam adeundi captus, impetra-to prius paterno consensu, anno cło lcc lv. vicinum Argentoratum petiit, palaestram eis temporibus et doctorum, in omni disciplinarum genere immor-talem ad hunc vsque diem famam adeptorum, co-pia, et ciuium, ex vniuersa fere Europa huc con-fluentium, frequentia, longe celeberrimam. Per integrum ibi sexennium et amplius hospitio vsus est Soceri postea sui, GEORG. OBRECHTII, Iurisconsulti, imperialis iudicii Cameralis delegati et Senatus minoris Aduocati ac Procuratoris ordi-narii, cuius inprimis filios, *Vlricum* et *Eliam*, ma-ximae postea apud Potentissimos Galliae et Sueciae Reges dignationis viros, primum ad litteras huma-niores